


越嶠書

二十




漢書門	
九	二
五	〇
一	九
一	二
類	架

內閣文庫	
九	二
〇	〇
五	二
一	三
類	架

內閣文庫	
番號	漢 9051
冊數	20 (19)
函號	290 170

共廿本





越嶠書卷之二十

宜山李文鳳編次

淺草文庫

安南君臣詩

送天使張顯卿

張兩使其國

國王陳日暎

顧無瓊報自懷慙極目江岸意不堪馬首秋風
吹劔鐵犀梁落月照書庵幕空難住燕歸北地
暖愁聞鴈別南此去未知傾蓋日篇詩聊贈當
高談

山國

安南國公善樂老人

元詩內附五首

當年扶義出南邦耿耿丹忠對彼蒼不是文公
逸晉難庶幾微子慨殷王箕裘未泯先君烈簡

策長留後世芳寰海車書會同且故家遙祝越
山長

大明殿侍宴

班陪玉笋侍紅雲日表熙熙瑞氣溫萬派朝宗
滄海濶衆星環拱紫宸尊雍容湛露歌篇什仿
佛鈞天入夢魂孤孽秋毫皆帝力願殫忠赤報
深恩

萬歲山侍宴是日值雪

碧漢鳴鸞不動塵王京繚繞會星辰舞回鰲背
三山雪酒上龍顏萬國春物被仁風榮御苑水
涵聖澤溢天津越南羈旅陪班列咫尺光昭日



月新

還國

幾年出國杳雲沙身寄絨鞍暫到家簇簇樓臺
空日影盈盈珠翠各天涯真成東海歸遼鶴敢
望南門入鄭蛇人物淒涼何處問江風吹老荔
枝花

贈天使張顯卿使還

西風吹夢到龍編回首相逢又隔年馬退輕塵
還日下鴈隨瘦影出雲邊四方專對詩三百五
嶺歸來路八千畫道朝廷用文士尚書志氣杳
秋天

挽宋臣陳仲微

宋亡入安南卒

國王陳光昂

痛哭江南老鉅卿
春風收淚為傷情
無端天上編年月
不管人間有死生
萬疊白雲遮故國
一堆黃壤蓋香名
回天力量隨流水
流水灘頭共太平

饋天使張顛卿春餅

國王陳日烜

號竹林大士四首

柘枝舞罷試春衫
况值今朝三月三
紅漆雕蓋春菜餅
從來風俗舊安南

送天使李仲實蕭方厓

靈液吹香暖餞筵
春風無計駐歸鞭
不知兩點

軺星福幾夜光芒照越天

送天使麻合麻喬元朗

軺星兩點落天南
光引台纏夜繞三
上國恩深情易感
小邦俗薄禮多慙
節揮瘴霧身無恙
鞭拂春風馬有驂
昂語願溫中統詔
免教憂國每如談

和喬元郎韻

飄飄行李嶺南雲
春入梅花只兩三
一視同人天子德
生無補世丈夫慙
馬頭風雪重回首
眼底江山水駐驂
明日瀘東烟水濶
蒲菊嫩綠洗心悒

送天使安威魯李景山

國王陳日燁

躔聚輶光射海涯拂開淚眼日燁觀龍飛料知

炎燁聞名遠敢限春風照校遲五嶺山高入未

度山高水濶鴈先歸太平有象煩君語喜溢洋

洋八色眉

贈天使撒只瓦文子房

國王陳日燁

號大虛子

至治改元新初頌到海濱傾心效葵藿扶病聽

絲綸光照嵐溪夜温回草木春歸當再前席幸

不外斯文

謝天使馬合謀楊廷鎮

馬啼萬里涉溪山三節搖搖瘴霧寒忽覩十行

開鳳尾宛如咫尺對龍顏漢元初紀時方泰舜

歷新頌德又寬更得三公成一款却添春色上

眉間

再用韻呈伏波

九鼎尊安若泰山時暘若時雨瘴烟寒溥天玉

帛歸堯舜比屋絃歌學孔顏銅柱不煩勞馬援

蒲鞭誰羨復劉寬聖恩浩蕩慈雲濶化作甘霖

滿世間

送天使撒只瓦趙子期

驛騎行行瘴霧深海邊光照使星臨四方專對

男兒志一視同仁天子心越國山川供傑句周
家雨霧播綸音明朝相對雲南北今日休辭酒
滿斛

贈天使柴莊卿李振等

一封鳳詔下天庭咫尺皇華萬里行北闕衣冠
爭祖道南州草木盡知名口御威福君褒貶身
佩安危國重輕敢囑四賢均泛愛好為翼卯越
蒼生

送柴莊卿

送君歸去獨徬徨首駸駸指帝鄉南北心旌

懸返旆主賓道味泛離觴一嗟談嘆須分袂共
唱驪駒惜對床未審何時重睹面慙慙握手叙
淒涼

登岳陽樓

內附封輔義公粹山陳秀瓊二首

高樓百尺倚雲端扶病登臨試一看望眼憂窮
燕塞遠吟腸頓貯洞庭寬鳥沉谷口千林暝龍
戰波心六月寒多少羈懷無處話平蕪漠漠水
漫漫

朝京還栞城遇雪

風霰嚴凝透袖寒階前咫尺對龍顏一言讓國
聲名遠萬里朝天富貴還守土檄居南海外傳

家心拱北辰間馬蹄奮迅歸期好直到冬深望
粹山

元日朝會

內附安撫使賴益歸
聖日垂光被越南驛亭官柳許停驂車書今混
四方一冠佩咸呼萬歲三香吐翠雲龍闕閤酒
翻金海鳳簫酣羣臣舞蹈天顏近眷顧恩深雨
露溼

賡叅議許公詠東山飄然樓詩

秋興亭前月去時滿樓山色索新詩心如柳絮
沾泥早身似蓮花出水遲經卷已輸居士樂酒
樽宜與可人期倚闌看遍朗湖景塵俗紛紛總

不知

內附

至元甲申官軍入境世子遣兄子
新慮侯率翦等拒之力弱遂降

黎翦首十五

十丈樓艘下粵瀧將軍繫組列城降中朝一統
有今日南國小臣如此江自入羽毛州賦後須
忘鱗介土飛光當年有歲秦陀老何事詩書滯
一邦

朝會

萬國衣冠擁建章黃金滿袖帶天香祥開黃道
乾坤濶瑞拱黃雲日月光聖壽松檜元不老臣
心葵藿似難忘只今舉似對人

歷世堯仁寶

運長

喜詔

黃鷄催唱曉玲瓏尺五飛來紫禁中
遂使堯言布天下始知漢詔感山東
金甌已付經綸手玉燭均調鼎
勳人固太平無事日村村抗稻舞
香風

侍宴

玉階仙仗曉班催日上彤章寶扇開
雷動乾坤三祝壽春生雨露九霞盃
元平新記黃龍瑞重譯今傳白雉來
從此南荒深感德不勞銅柱立
崔嵬

駕畋柳林題詩

仙仗平明擁翠華景陽鐘發海東霞
千官捧日臨春殿萬騎屯雲動曉沙
白鷄翻翻山霧薄黃龍旗拂柳風斜
太平氣象民同樂南北梯共一家

都城

天象分明散曉霞故令騎馬入京華
雲開閭闔三千丈霧暗樓臺百萬家
寒盡宮花初著蕊春深官柳已藏鴉
太平氣象今如此始信皇都福未涯

重九懷張憲侯

文賦登臨不賦詩却來重菊看花枝猶思馬上
西門哭不記鰲邊左手持雙鬢豈堪頻懊惱一
尊當及未衰時紛紛蝶蝶知春事明月秋風可
付誰

贈尚書撒里瓦使安南還

安穩梅花道尚書向北還人烟兩邊樹客思萬
重山陸賈道南越張騫度玉關皇華君善事惟
喜近天顏

題郎中趙子斯

下國瞻宸極交州有使星梅花陶北景篁竹短
長亭殊俗詩難寫燕村酒易醒翩翩趙公子終

不愧朝廷

送侍郎智子元使安南

桂林南去接交州椰葉栴榔接驛樓使者持書
行絕域侍郎鞭馬照清秋元年詔下黃龍漢九
譯人歸白鯉周便化文身作章甫歸來陸賈說
前塋

送文史傳與礪佐天使安南

尚書文史濟時才疋馬仍隨使客來滄海龍飛
天子詔青溟鶴駕趙王台諸溪篁竹參差動五
嶺梅花准擬開政使風煙殊百粵未應佳句不
能裁

壽安南國王 七月三日

明河秋露照華參
天雨仙花擾鉢曇
恩重鵬程轉溟北
舟成鶴去在安南
長生籍內千秋八
善樂堂中染月三
白髮門徒彌重意
流霞拍手借春酣

用載道韻晚游郎中潮

疎葦長堤映短籬
日來湖上欠支離
鷗邊人立城陰晚
柳外花明水淨時
世事紛紛驚倦眼
容懷草草說新詩
荒詞為喜文翁咲
醉酌乾姜一片牌

贈傳與礪使安南還

漢文脩德不事武
釋罪不誅封趙氏
陀因感德稱藩臣
遂使嬰齊來入侍
方物珍奇歲貢輸
傳襲子孫繼五世
呂嘉謀叛暗興兵
故殺其王并漢使
武皇一怒奮天戈
千里精兵掃兇穢
路侯博德勇有謀
破越如同破竹勢
分為九郡置官守
南越從函國乃廢
中華聞化遍免收
漸教遠人通禮義
光武初除新室難
未遑選擢南方使
糜洽二女逞奸雄
妙名微側妹徽貳
招呼要黨據南郊
威服百蠻無與比
侵邊寇掠六十城
一立為王一為師
堂堂漢將馬伏波
苦戰三年常切齒
分軍驅逐到墾溪
賊首授首悉平治
廣開

漢界極天南銅柱高標傳漢史命官遣將鎮其
民德政清新多惠施至於士燮善撫綏貴重一
方人所忌國政紛紛吳蜀晉爭為壁壘陳興廢
境界入漢制交州朱齊梁陳承一軌悠悠閱世
過隨唐始號安南今乃是張舟始作都護時脩
築羅城制軍器高駢威信行在復此邦人人多
慢易咸通末歲中國亂轉運遐方肆驕恣吳權
曲顛矯與楊篡奪相爭民力匱宋初丁氏始封
王丁絕轉封黎與李李傳九世二百年嗣有陳
王來襲位太平日久重儒風禮樂衣冠畧初似
皇元一統自古無德服萬邦恩澤被陳王納款

竹裡鶯啼嶺嘯猿與南使者下龍船詔頒鳶隄
傾心拜詩致雞林好事傳絳節司存新雨露青
春來徃倦風烟江頭客髮垂垂白猶見南來陸
賈年

大別山詠禹栢

今古朝昏意自閑人傳禹栢未曾刊神功四載
殷周上元氣一枝江漢間骨脫銅龍天欲海深
沉木虎雪連山摩挲擬問胼胝事遺廟朝烏去
不還

挽安南國王

當時侍坐談玄客今日到門燈照靈重對畫眉

魂或返每看遺稿淚交零西門舊路花應白南
國新阡草易青無限越魂招不得紙錢風急樹
冥冥

安南地圖歌

右愛東山黎側

安南版圖數千里少是居民多山水東鄰合浦
北宜邑南抵古城西大理古來嶺外號蠻夷肇
自陶唐有交趾其在成周為越裳重譯曾來共
白雉秦名象郡漢交州九真日南接其地漢地
趙陀總雄據乃命為王免誅徒繼回高后禁關
市陀復怙強隨僭偽郎稱帝與中國侔戕害邊
民嚴武備漢家自是起兵戈每戰無功羅力士

三拾年後嗣不道遠王旨甲申假道征占城令
助軍器供餉饋君然逆命相抗衡拒捍三師必
懷異陳王子姪二三人慕義來歸沐恩賜興師
代罪出有名千里鷹揚耀旗幟進兵數道會于
交勢若雲雷馳萬騎其王逃海匿山林旁及無
辜遭罪戾還伏罪進表章犀象寶林常踵至聖
心蕩蕩念斯民罷戰休兵合天意南陲從此悉
安然億萬生靈蒙其庇遠人懷德自心歸天下
為家當盛際小臣居污拜皇恩竊祿素餐心自
愧乘閑綴緝舊所聞寫作安南風土志

題桂林驛

伍首

楊柳長亭又短亭春風吹旆著江城無人相識
客對客有事可知情度情千里鄉心蝴蝶夢一
船歸意鷓鴣聲不知難節明朝去人是煙波幾

日程

夏日江城氣蘊隆使華期限苦匆匆萬程去語
馬嘶外一掬歸心蝶夢中在我有懷深感慨彼
天無語問窮通平生不作錐囊計慚愧尋常五
尺童

逆旅瀟瀟夜籟深芭蕉葉上動秋心一鞭馬影
隨風遠故園梅花入夢深客裡月明偏識面天
涯鴈斷少知音凌震未遂平生志擊節不勝時

朗吟

十日蒸雲似桂林薰風何處不披襟樹蟬爭響
客懷苦庭菊未開秋夢深醉裡乾坤新使節吟
邊山水舊知音無端夜坐空階雨滴碎鄉關萬
里心

踏盡崔嵬路幾千停車逆旅自年年安危非我
所能及語默隨人深可憐澆破鄉心桑落酒吟
消客恨草堂篇自憐補國無絲髮兩度春風馬
一鞭

入貢別弟之作

尹恩府

一分北去一南還雙影茫然寄馬鞍塞外雲深

鴻雁斷原頭風急鵝鴿寒幾宵夜雨連床話萬
斛鄉心惜酒寬我守節旄君扇枕從來忠孝兩
全難

應湖廣省命賦詩

安南使人

獵獵風吹拂面沙潭潭官府達高衙貪看百二
關河濶不顧八千途路賒樽俎盃盤開綺席衣
冠禮樂愧皇華人生聚散如南北同樂清朝厚
德嘉

應省府命席上賦詩

大夫阮國夫

遠邦慕化來旬宣春溫盎盎薰職造聖朝元首
至明聖股肱承弼俱良賢寬洪博大等天地包

荒納汗高元元微生何幸逢盛世誠欲述職來
朝天盈盈金樽沐恩渥薰陶涵泳隨更遷台光
咫尺奉德意滿堂酬酢相周旋洪鈞一立轉天
地八方四海登陶甄豈惟我輩受其賜遐荒億
兆樂業長綿綿

送官

安南使

欲別情懷意黯然暮雲春樹兩堪憐音非孟軻
真由命今識荊州亦是天對酒豈同徐孺榻論
文共載李膺船要知別後相思近長在光風霽
月前

留題峽山寺

阮中宇定夫桐江人安南國使

萬疊時峯聳翠鬢樓臺高倚碧宵寒江雲落漠
愁金鎖山月低迷泣玉環納納乾坤真勝跡茫
茫今古幾憑闌我來撫景舒長笑風落松花石
洞開

又

杜觀晉山人安南國使

覽遍湖山路八千清幽惟有這林泉風帆浪楫
三吳客月屋雲菴六道禪洞口猿啼千古意樹
頭鷺囀百花天憑闌細數登臨興兩度攀綠兩
繫船

又

楊宗海字朝用安南國使

峽寺初來訪停舟碧玉灣眼中疑對畫客裡為
開顏古殿今猶在妖猿去不還一時留美話萬
古耀名關歲月水流水烟霞山映山許多前後
事分付有無間已愧愚求劍那堪智解環坡詩
賡未就洞口鎖雲鬢

閨怨迴文

安南無名氏

殘月映簾疎弄風後庭離別惜匆匆半衾半怯
秋闈冷遠笛長悲曉閣空鸞掩鏡間眉蹙柳鳳
橫斜畔鬢生蓬寒燈漏影紗窓小難與相思深
夜中

律詩十首送天使錢學士歸朝

安南王黎顯

承詔迎秋下日南

天顏咫尺

聖恩覃國從王節開昌運山逐金飈掃瘴嵐自是

襲封昭嗣典不同權結愛朝簪却漸定魯非高

子留與邦人作美談

舉國君臣逐使旌富良江上古螺城一封

恩詔乾坤重萬斛明珠草芥輕錫土久安朱鳥分

委心奚用白鷄盟願言國祚同

天壽帶礪河山願治平

祝

天萬壽起嵩呼喜動春風滿國都比屋絃歌師孔

孟累朝簪笏頌

唐虞禮遵

舊制東西序恩洽新君

上下孚莫道此來多矯俗古稱綏遠盡吾儒

碧衣丹山足勝遊清光一帶照南州囊無蕘苾

說何起匭有青茅貢已脩陸賈千金曾滿橐班

超萬里亦封侯只今相尚惟文物富貴於人豈

浪求

五嶺天高瘴霧開

詔書飛下越王臺

萬年重紀黃龍瑞九譯爭看白雉來曉日珠崖標
柱在秋風銀漢使槎回吾君若問斗南事久已
傾心仰

上台

聖治衣裳易介鱗詩書嶺表足儒紳禮嚴外屏
君臣義盟結中原父子親豈待長纓能致越何
煩寸舌苦強秦歸途正值梅開候兩袖清香萬
里春

昭代仁風偏八夷垂衣端拱正無為兩階干羽
脩文日四海梯航述貢時鳶隄已能遵

聖化雞林何必重吾時人材却憶姜公輔曾向

中朝振羽儀
江上高城擁大羅早從堯日照南訛秦官僭起
一故尉漢將功收兩伏波版籍屢更新郡縣輿
圖不改舊山河邦稱富庶非殊玉歲熟八蠶并
一禾
越駱丹崖幾萬重一丸新受紫泥封兩餘尚有
鳶投泊秋後全無鷹過峰村獠傍山收翡翠溪
童習水關芙蓉士風民俗聞語偏談笑還應可
折衝

交州自古宅南陸况復于今際

盛時環極有星皆北向朝宗無水不東馳壯懷盡

得江山助虛譽真慙草木知垂橐還朝見
天子一編惟有紀行詩

送天使湛內翰還朝并引安南王黎暉

聖天子明德以照四方顯北以建萬國以安南文

獻之邦待之尤厚

特命內相湛大人捧

詔持節賁臨南國風度凝遠禮樂雍容接見之間

不勝欽羨遂賦近體詩以厚意詩云

鳳詔祇承出九重皇華到處總春風恩覃越甸

山川外人仰堯天日月中文軌車書歸混

威儀禮樂藹昭融使星耿耿光輝遍預喜三

台瑞色同

餞湛內翰并引

春光駘蕩天色清明序屬三陽時當嘉會恭遇

聖天子臨御家邦

恩霑遐邇渙頌

鳳詔

特命內相湛大人持節來封契數昭明禮文詳

備方深愛助遽見言還繾綣之情曷維其已因

寫一律以餞之云

聖朝治化正文明內相祇承使節行盛禮雍容昭

度數至仁曠蕩煥

恩榮特留欲叙慙
勲意臨餞難勝
繾綣情此後鑿

坡承 顧問南邦
民物固昇平

送天使錢學士還朝
黎念大頭目

駟駟四牡出郊原
萬里歸程快着鞭
笑我術無

能縮地美君氣有
舉冲天風帆秋掛
三相月星

旆晨凌五嶺煙料
想鈞天清夢裡夜
來先到

玉皇前

阮直

曉日初升瘴霧煙
歸程馬首正吹風
知音豈限

殊厓北情別那禁
珥水東 上國有人
還獻納

偏才無事賴悒悒
他年兩地如相憶
一片情懷

寄塞鴻

黃清借吏曹侍郎

星輶旋軫出都門
宿雨初收日色暄
南海

恩霑波浪濶北辰
心拱 帝居尊金臺
月白催詩

興 華蓋天低入夢
魂歸覲 威顏總咫尺
遐

氓好為正温存

望實端堪壓雋豪
遠持使節效賢勞
九天日

月瞻依近萬里江
山興詠高別酒頻
斟情戀戀

歸心莫過水滔滔
自從回首北南後
幾度懷人

正鬱陶

阮居道

聖明天子廣懷柔快覩
中朝第一流星旆遠
從天北闕陽春便滿日南州
遙知燕許時惟重
近識歐蘇器獨優
已想旋歸遄入相
不勞賢夢
傳巖求

程盤

日邊祇奉紫泥新
夾道爭迎貴近臣
北闕絲綸光若綉
南交草木盡生春
離筵勝餞澆清酒
歸路騰驂踏軟塵
丹禁重來如有問
為言一國樂皇仁

阮廷美

借禮曹侍郎

寅奉天書下玉京
江山萬里飽經行
皇恩

遠被乾坤大玉節
高懸日月明
宣室席前魂屢
夢陽關歌疊酒頻傾
未知何日重相會
聊把詩篇寫別情

范熊

星輅統駕入重城
南國山川喜氣生
大德乾坤施雨露
小邦民物荷恩榮
一心事上堅金石
萬壽無疆祝聖明
江滸餞筵今反旆
好憑敷奏恤遐氓

范維孝

星旆聯翩拂晚雲
江亭餞別意勤勤
囊中惟有詩千首
馬上相逢月一輪
籍籍芳名騰桂海
依依

依清夢繞 楓宸歸來早晚承清問為道遐方
沐 至仁

范 瑤

早年平步上瀛洲今日乘風到海陬萬里扶搖
鵬擊水九霄凌厲鴉橫秋高談雄辯從前有義
緊清標自古無多少關河歸指點新詩一任錦
囊收

又

武永楨

親捧芝封自九天南人快覩玉堂仙手揮
健筆堪扛鼎肩吐雄文似湧泉澤國那能淹使

節嶺梅擬復裊吟鞭歸來若草覩風奏應道今
年勝昔年

潘 員

玉署周旋荷 寵恩銀鞍暫駕路無塵錦袍影
照江山麗芝檢泥香草木新下國駕看天上客
歸鞭又拂嶺頭春燕閑為道蕃民意萬歲千秋
祝 聖人

阮貽厥 借審刑院同知

破曉初登珥水舟江亭飲餞思悠悠回旌風捲
千山雪歸路天登萬里秋復 命昕朝全使節
照人清節見明流有懷此日情無奈自極清山

不盡頭

阮自得

萬里遙乘博望槎
天風吹向海南涯
聖朝覆載乾坤大
下國霑濡雨露嘉
澤物仁心春有脚
照人清節玉無瑕
離極莫恠頻頻把
明日歸朝路正賒

陶雋

江亭餞別思悠悠
杯酒頻斟馬欲前
日月九霄光使節
江山萬里屬吟鞭
文章豈在歐蘇後
議論端居董賈先
威鳳祥麟爭快覩
飛騰重入五雲邊

華蓋天低東閣老
聲名到處人皆道
丹詔親承
德意深
春風可掬
光儀好
江頭波綠酒杯
傾驛程香動
梅花早歸來
敷奏語無他
下國畏天期永保

陶若庸

使星來自五雲邊
萬丈光芒照越天
日麗層宵新
詔練春回
炎徼舊山川
北南情款
芳樽裡
今古乾坤
老眼前
剩喜輶車
旋輪日
觀光幸得
趁吟邊

陶仁心

回輶光映翠袍新
夾道爭看貴近臣
鷹影遠投

天北月馬蹄輕逾嶺南春四方志氣生平事萬
里風霜健在身料想歸朝當復

命為言下國贊同仁

奉贈

文職大頭目黎景徽

紫殿承恩入夢頻歸鞭裊裊向天津赭袍色
映千山曉玉節光回萬落春五嶺風輕金勒穩
三湘月淡片帆新夜闌宣室如前席為道交南
共帝臣

奉和

自愧砒砒粗樸甚光華幸得映懸黎溫良縝密
人皆賭紛紛魚目真難齊彩筆新裁春錦曉價

同拱璧看來好開絨一見一精神誰謂北南天
杳杳

黎弘毓
借右僕射
景徽弟也

斯文直與天地在今日復見韓昌黎初入交南
終駐節一方景仰山斗齊彩毫掃就雲箋曉鬼
泣神驚吟更好白雪陽春欲和難激昂義氣秋
天杳

黎允元
借吏曹侍
郎景徽弟也

使節煌煌星一點春回南國偏羣黎玉堂天上
瞻依近名冠時流孰與齊風雲占得乾坤曉春
蚓秋蛇看更好幸蒙一顧重千金天邊但惜鴻

飛杏

阮永錫審州院吏

親承鳳詔馳駟隰宣布皇恩澤遠黎文光

萬丈燭炎海高名永與日星齊使輶旋輪瀘江

晚江樹含烟晴更好振袂造歸華蓋天遥看

極目紅雲杏

奉賡途中韻

黎弘毓

原隰駢駢到遠郊每懷靡及為勤勞臨岐有日

思分手擲地成聲想奪袍繾綣恩情何不已賡

酬雅韻喜相遭傍間玉在知形穢深愧文衡一

代豪

素將道義達前程多士披雲觀日晴一念君親
頭俱白滿懷風月興偏清幾多篇付珠璣句盡是
詩書孔孟情記取廟堂調鼎日好施手段濟羣
生

上國多仙客惟公骨相殊平生尚清白不作物
情拘子史盡漁獵

朝中稱鉅儒望猶司馬重學有伯魚趨珠玉口隨
唾聲譽藹寰區從容一長笑乾坤入版圖九

重啣詔日詢訪務文孚今古同文軌山河誓不
渝戀闕神馳月驅寒擁爐夜數篇留別意指日

上天衢遠想楊夫子今人味道腹感懷心正切

欲報(乏切)隋珠恐復崩鄙吝崇朝鮮自娛斯文
從古有清名即今無不鑿坡應早輟顯秩踐公
孤

阮塔 借學士 承旨

駢駢四牡歷炎郊 王事同爰豈憚勞曉日光
生復使節 御爐香惹舊宮袍 九重恩詔擊
天重千載斯文偶此遭風月滿懷吟興逸騷壇
今復見詩豪

聖世廣聲教覃及萬國殊乾坤大一統南北無
所拘所以致盛治翊贊皆吾儒羣方貢琛賫
天闕如雲超 天子曰俞哉安南古名區封域

雖限隔久歸我輿圖禮樂慕中國信義素已孚
懷柔固宜厚終始無或渝諭遣皇華來天香惹
御爐旌節入南郊煌煌耀雲衢詞翰騁雄偉道德
何充腹步趨采薺聲咳唾明珠和氣藹可掬
咲語而歡娛况復重節義清標世所無歸舟何
所有一輪明月孤

阮貽厥 審刑院 同知

天地奠區域北南氣風殊文軌相混同何有物
我拘 聖朝重柔遠旁詢鴻碩儒到壞九州外
俗尚各異趨道大宅中尊美化覃八區至仁同
一視德意無不孚嗟嗟此交南敬 天心弗淪

融液與薰陶豈外造化爐有美玉堂仙使華臨
交衢佩服仁義言雋永道味腴所尚在名節何
意於金珠送行出遠郊杯酒叙情娛日來接盛
儀襟懷鄙吝無行李自瀟然天寒山更孤

阮恪武職
管領

使君和氣藹春陽學富才周德業章秉操雅間
金石確揮毫快覩鳳鸞翔四方不負男兒志萬
古應留簡冊香自愧武人粗率甚欲廢高韻恐
非長
天生我烝民賦予元非殊四海吾同胞孰有彼
此拘是道誰主張豈不在吾儒九州復九九風

俗各異趨先民辨內外譬若草木區篤近寔至
理柔遠真良圖近者既惟悅遠者方交孚先天
共帝臣秉節疇敢渝皇皇大明業天地一範
爐洞照萬里外日月照天衢部符封列國何
異割膏腴內相使南交貴德賤犀珠來詩廣獻
納豈徒聊自娛相送千里外贈言那可無惜別
不能寐夜寒山月孤

送湛內翰還朝

黎念大頭

綸音讀罷紫泥封回首蓬萊第一峯望外交關
千里月夢中帝闕五更鍾星槎迢遞歸程遠
雲樹參差別思濃南浦吟成憑寄語滔滔江漢


共朝宗

曾羅星斗虹千丈念在君親日幾回別後清規
何處是天心明月嶺頭梅

梁德朋

華國詞章譽蚤蜚文星今作使星輝曾中虹彩
光千丈筆下龍蛇燭九圍名揭斗南長炯炯夢纏
辰北正依依別來無限通宵望天上星纏近
紫微
耿耿帝京紅日照依依親舍白雲飛孝忠一
念深圖報萬里星軺早促歸

譚慎簡



文雅風騷筆橐臣皇華盛選屬鴻珍親承天上
經綸賁暖入南郊草木春雲夢澄空冒次濶江
山得力筆鋒神歸來若道觀風事俗美民安政
治淳

客程水水又山山一任星軺萬里還今日送君
憑寄語焚香祝聖北南山

尹茂魁

輝煌天上使星明光映交南萬里程表表風
流錢學士堂堂人物狄懷英雨露桂嶺鴻思溥
路熟梅關馬足輕况復歸裝無恙以持身節似
玉壺清

親捧 恩綸出 玉京交南草木總敷榮驚人
詩價金增重映世高標玉比清 帝所夢纏雙
鳳闕客程春入五羊城丘梁二老君應繼台斗
行看鳴履聲

阮澤氏

迢遞歸輶入漢宮那堪惜別思匆匆清規玉映
梅闌月逸興春生桂嶺風孤矢壯懷凌曉霧壁
奎文焔燭晴空歸來若問交南俗戴白垂髻德
化中

目送星輶萬里還那堪惜別思悠然交關關外
分岐後南北春風共一天

